

中華書局影印
卷之三

新校正黃帝鍼灸甲乙經序

臣聞通天地人曰儒通天地不通人曰技斯醫者雖曰

方技其實儒者之事乎班固序蓺文志稱儒者助人君順陰陽教化此亦通天地人之理也又云方技者論病以及國原診以知政非能通三才之奧安能及國之政哉晉皇甫謐博綜典籍百家之言沉靜寡欲有高尙之志得風痺因而學醫習覽經方遂臻至妙取黃帝素問鍼經明堂三部之書撰爲鍼灸經十二卷厯古儒者之不能及也或曰素問鍼經明堂三部之書非黃帝書似

出於戰國曰人生天地之間八尺之軀藏之堅脆府之
大小穀之多少脉之長短血之清濁十二經之血氣大
數皮膚包絡其外可剖而視之乎非大聖上智孰能知
之戰國之人何與焉大哉黃帝內經十八卷鍼經三卷
最出遠古甫士安能撰而集之惜簡編脫落者已多是
使文字錯亂義理顛倒世失其傳學之者鮮矣唐甄權
但脩明堂圖孫思邈從而和之其餘篇第亦不能盡言
之

國家詔儒臣校正醫書令取素問九墟靈樞太素經千

金方及翼外臺秘要諸家善書校對玉成繕寫將備親覽恭維

主上聖哲文明光輝上下孝慈仁德蒙被眾庶大頒岐黃遠及方外使

皇化兆於無窮和氣浹而充塞茲亦助人靈順陰陽明教化之一端云

國子博上臣高保衡尙書屯田郎中臣孫奇光祿卿直
秘閣臣林億等

上

黃帝三部鍼灸甲乙經序

晉玄晏先生皇甫謐

夫醫道所興其來久矣上古神農始嘗草木而知百藥
皇帝咨訪岐伯伯高少俞之徒內考五藏六府外綜經
絡血氣色候參之天地驗之人物本性命窮神極變而
鍼道生焉其論至妙雷公受業傳之於後伊尹以亞聖
之才撰用神農本草以爲湯液中古名醫有俞跗醫緩
扁鵲秦有醫和漢有倉公其論皆經理識本非徒胗病
而已漢有華佗張仲景其他奇方異治施世者多亦不

能盡記其本末若知直祭酒劉季琰病發於畏惡治之而瘥云後九年季琰病應發發當有感仍本於畏惡病動必死終如其言仲景見侍中王仲宣時年二十餘謂曰君有病四十當眉落眉落半年而死令服五石湯可免仲宣嫌其言忤受湯勿服居三日見仲宣謂曰服湯否仲宣曰已服仲景曰色候固非服湯之胗君何輕命也仲宣猶不言後二十年果眉落後一百八十七日而死終如其言此二事雖扁鵲倉公無以加也華陀性惡矜技終以戮死仲景論廣伊尹湯液爲數十卷用之多

驗近代太醫令王叔和撰次仲景選論甚精指事施用
按七略蓺文志黃帝內經十八卷今有鍼經九卷素問
九卷二九十八卷卽內經也亦有所忘失其論遐遠然
稱述多而切事少有不編次比按倉公傳其學皆出於
素問論病精微九卷是原本經脉其義深奧不易覺也
又有明堂孔穴鍼灸治要皆黃帝岐伯選事也三部同
歸文多重複錯互非一甘露中吾病風加苦聾百日方
治要皆淺近乃撰集三部使事類相從刪其浮辭除其
重複論其精要至爲十二卷易曰觀其所聚而天地之

情事見矣況物理乎事類相從聚之義也夫受先人之體有八尺之軀而不知醫事此所謂遊魂耳若不精通於醫道雖有忠孝之心仁慈之性君父危困赤子塗地無以濟之此固聖賢所以精思極論盡其理也由此言之焉可忽乎其本論其文有理雖不切於近事不甚刪也若必精要俟其間暇當撰覈以爲教經云爾

序例

諸問黃帝及雷公皆曰問其對也黃帝曰答岐伯之徒皆曰對上章問及對已有名字者則下章但言問言對亦不更說名字也若人異則重複更名字此則其例也諸言主之者可灸可刺其言刺之者不可灸言灸之者不可刺亦其例也

晉 玄 晏 先 生 皇 甫 謐 士 安 集

朝散大夫守光祿直祕閣判登聞檢院上護軍臣林億

朝奉郎守尚書屯田郎中同校正醫書上騎都尉賜緋魚袋臣孫奇

朝奉郎守國子博士同校正醫書上騎都尉賜緋魚袋臣高保衡

黃帝鍼灸甲乙經卷一目錄

精神五藏論

五藏變腧論

五藏六府陰陽表裏論

五藏五官論

五藏大小六府應候論

十二原論

十二經水論

四海論

氣息周身五十營四時日分刻漏論

營氣論

營氣三焦論

陰陽清濁精氣津液血脈論

津液五別論

奇邪血絡論

五色論

陰陽二十五人形性血氣不同論

黃帝鍼灸甲乙經卷一

精神五藏論第一

黃帝問曰凡刺之法必先本於神血脉營氣精此五藏之所藏也何謂德氣生精神魂魄心意志思慮請問其故岐伯對曰天之在我者德也地之在我者氣也德流氣薄而生也故生之來謂之精兩精相搏謂之神隨神往來謂之魂並精出入謂之魄可以任物謂之心心有所憶謂之意意有所存謂之志因志存變謂之思因思遠慕謂之慮因慮處物謂之智故智以養生也必

順四時而適寒暑和喜怒而安居處節陰陽而調剛柔
如是則邪僻不生長生久視是故怵惕思慮者則神傷
神傷則恐懼流淫而不正因悲哀動中者則竭絕而失
生喜樂者神憚散而不藏愁憂者氣閉塞而不行盛怒
者迷惑而不治恐懼者蕩憚而不收太素不收作失字

素問曰怒則氣逆甚則嘔血及食而氣逆故氣上喜則
氣和志達營衛通利故氣緩悲則心系急肺布葉舉兩
焦不通營衛不散熱氣在中故氣消恐則神郤郤則上
焦閉閉則氣還還則下焦脹故氣不行熱則腠理閉營

衛通汗大泄驚則心無所倚神無所歸慮無所定故氣亂勞則喘且汗出內外皆越故氣耗思則心有所傷神有所止氣流而不行故氣結已言九氣其義小異大同

肝藏血血舍魂在氣爲語在液爲淚肝氣虛則恐實則怒素問曰人臥血歸於肝肝受血而能視足受血而能步掌受血而能握指受血而能攝

心藏脉脉舍神在氣爲吞在液爲汗心氣虛則悲憂實則笑不休

脾藏營營舍意在氣爲噫在液爲涎脾氣虛則四肢不

用五藏不安實則腹脹涇洩不利

噫音

正當

精則不

當

令人陰縮而肋攀兩脢肋骨不舉毛悴色死

本作

精不

死

於秋 素問曰肝在聲爲呼在變動爲握在志爲怒怒

肺藏氣氣舍魄在氣爲欬在液爲涕肺氣虛則鼻息不利少氣實則喘喝曾憑

九墟作盈

仰息

腎藏精精舍氣在氣爲欠在液爲唾腎氣虛則厥實則脹五藏不安必審察五藏之病形以知其氣之虛實而謹調之

肝氣悲哀動中則傷魂魂傷則狂妄其精不守

本作精不

正當

令人陰縮而肋攀兩脢肋骨不舉毛悴色死

於秋 素問曰肝在聲爲呼在變動爲握在志爲怒怒

傷肝九卷及素問又曰精氣并於肝則憂解曰肝虛則
恐實則怒怒而不已亦生憂矣肝之與腎脾之與肺互
相成也脾者土也四藏皆受成焉故恐發於肝而成於
腎愛發於脾而成於肝肝合膽膽者中精之府也腎藏
精故恐同其怒怒同其悲一過其節則二藏俱傷經言
若錯其歸一也

心怵惕思慮則傷神神傷則恐懼自失破膾音窘脫肉毛
悴色夭死於冬 素問曰心在聲爲笑在變動爲憂在
志爲喜喜傷心九卷及素問又曰精氣并於心則喜或